

112 年全國語文競賽原住民族語朗讀 【拉阿魯哇語】 國中學生組 編號 1 號

turukuka nuka takaukau

kisuhlahlamaku ahlama turukuka nuka takaukau, maruami ucani aari,
musalamika inaturukuka, mahlava lamuruisa, mahlukualiliunga musasasala,
taratuaahlamika inaturukukan, takaukauka hlimutungusu kiu’u,
mariakukucu maivacavacangu tikuruisa, muuiliami takkauka, mavacanguka
tapaau tikuruisa, hlahliumihlu ami ihlumalipilipi, sapakuvauamika
inaturukuka, takaukau tamuucu masalangusangu, amiamisana, umalivaluka
takaukau, ngasakahlipuvacangau ihlaku, puavacanguaku tapautikuruna, hla
ihlu’u malipilipina amiamisana, umalivaluka takaukau, mavacangumu mua
tikurumuna amiami, amihlaka inaturukuka, taininiau mavacangiku,
maciumihlu ihlu’una amiami, tuahliu’aimau pauhliana ihlaku utulu aari,
apuailiku’ai amiamika, ina turukukan takaukau, hlimini’aihla tumuakia,
pakiaturuhlipimia apuailia arina amiamika takaukau, maimacuka takaukau
pauhliana, kisututurun ina turukuka, nani’aimata tarungahlangahla, maci
siiautulu aariamiami, umalaihluisa uvura ina turukuka, aunanacuka sasua
maruahlu, masasangaruka ina turukuka, umihluihlu’u musa puaili salia
upapucucisaka laulauvuusa.

tamuucu masalangusangumii, miaungucuka hliapatamiaisa ari,
takuliacicuka tukuisa, manaicu apuailisana, pacupacupunguami
sitahlamiamiaisa, miungu cukaarisa, pasakulai umuhlunu lamuruisa
maruvahlita, tapitipitikuapu ukikirimi, marasaicuka takaukau apapalu,
mucukuhlu mucumuku, salia turukuka, umarucarucakuka takaukau, itiarau
kuacukuhlu apuailiihlu’uku, umalivaluka inaturukuka, saihlua lamurukuna
kiira, mau kanaa’a uakikirimisana, amihlaka takaukau kikirimu’ai,
ruangahlakumatata, aravacanguka tukaina turukuka.

miungucu matata, makihluhlucua ina turukukana, laulauvuusa
taukikikirimi, mucukuhluka takaukau umarucarucaku, macumu kuapuaili
ihlu’ukuia, paticacanikua lamurumuna matisangulu, amiamika takaukau,
angahlicuisana takaukauna, matiasasangalu turukukana.

112 年全國語文競賽原住民族語朗讀 【拉阿魯哇語】國中學生組 編號 1 號

雞與老鷹

母雞到野外遊玩，看見樹上有隻老鷹，母雞看牠脖子上掛著項鍊，便羨慕地說：「你的項鍊很亮麗，你能借我三天嗎？」老鷹答應了，希望母雞遵守諾言。老鷹交代母雞，三天後在這棵樹下見面，就把項鍊交給母雞。

其他的雞問項鍊在哪裡拿到的，母雞說跟老鷹借，且三天後就要還牠。歸還前一天，母雞捨不得還，便想辦法要瞞過老鷹。老鷹準時到達，卻不見母雞赴約，牠親自跑到母雞家裡。母雞叫很多小雞在外面廣場找項鍊。

老鷹來了說：「你不守信用，害我一直等待。」母雞急著回答：「昨天項鍊被小雞拿去掛就弄不見了，我現在叫牠們找。」老鷹同情道：「我明天再來，但我一定要拿到。」老鷹失望地走了，母雞暫時放心。翌朝，母雞叫鄰居來幫忙找，母雞迎接老鷹說：「還是沒找到。」老鷹生氣地說：「找不到就繼續找吧！你再也不還我，我就要把你的小雞抓走！」這就是老鷹抓小雞的原因。